

# Anpao Kin

THE DAYBREAK.

"Wankantanhan Anpao kin k' younhipi."—Luke 1. 78.

VOL. XV

FOREST CITY, S. D., APRIL, 1899.

NO. 7

## ANPAO KIN.

ANPAO KIN wi iyohina, wiyawapi anpetu tokaheya eca mazaakdirpeyapi.

WI XAKPE on kapi, qa wi iyohina akezaptan (15) aokpani xni, ptayena partapi, wicacaje wanjina ekta hiyukiyaipi kta cinpi kinhan, icupi kin iyohina kaxpapi wanji (10c) on kajujupi kta.

WIXAKPE on kapi, qa wi iyohina wanjina icupi kta cinpi kin, kaxpapi wanji sanu okise (15) on kajujupi kta.

Icupi xni itokab kdajujupi kta. Wowapi askabyapi inaxaxana wanji qaix nonpa owapi kin, mazaska eekiya, ANPAO KIN opeton okilipi kta.

Tuwa wowapi kagin kte ca wowapi ska sani el owa kta.

Opetonpi kta wowapi hiyukiyaipi qaix ed taku ayakapi kta cinpi na hiyukiyaipi ca, wowapi qjuba akand deed owapi kta.

REV. E. ASHLEY.

CHEYENNE RIVER AGENCY, S. D.

### Yawaxteya Cajeyatapi Wowapi Wan.

ANPAO KIN icikoyagunyanpi qa wicoran waxte eon iyounpaxtakapi kta wookili yuha. Okolakiciye-wakan opapi tka abehya tipi kin, hena iyotan taokiye waxte heca kta. Bixop wan kin eciya tanhan, taku eamon onxaxpa ayakapi qa taku bnotanin kta wacin kin hena owasi, qa lipiwakan iyaza omawani woyakapi kin hena, qa bakun Okolakiciye-wakan kin wotani tawa tokokeca ed kagapi kta. Oyate unkitawapi kin owasin ANPAO KIN icupi qa sanu wicaxa tokeca wicagupi nin ecanu.

W. H. HARR,  
Yewicaxipi Bixop

### OKOLAKICIYE WAKAN WOTANIN.

Rev. Dr. John S. Lindsay, tuwa Yewicaxipi Omniciye kin on General Secretary heca kta kañigapi unkoyakapi qon, he wicala ñni keyapi.

Tennessee obaſpe kin el, Memphis otowe kin etu, tipi wakan itancan kañ ayapi, na wanna hanke yuſtanpi ca ogna wacekiyapi ece.

Hekta Feb. wi icunhan Connecticut obaſpe kin etanhan Bishop tawapi kin he te ca wiyawapi iwicemna he ehan ñapi. He Rt. Rev. John Williams eciyapi. Hekta omaka 1851, Oct. 29th he ehan Bishop yuwakanpi, hecel waniyetu wikcemna tom sanpa ſakowin Bishop heca. Hehan April 12th, 1887 qon Bishop Itancan heca yuhapi, te cin hehanyan.

Bishop Williams wanna te cin on, Bishop Clark, Rhode Island obaſpe kin etanhan, he Bishop Itancan un. He wanna waniyetu wikcemna tom sa pa topa Bishop heca qeyas tawacin blezelica tka tancan waſake ñni.

April wi kin le icunhan Saglaſa Okolakiciye ekta Yewicaxipi

omniciye wanji, Church Missionary Society eciyapi, he tawaniyetu opawinge kin he iyuskinyan kiksuyapi kta, na icunhan Bishop Whipple el un kta ca yeſipi.

Ha Sapa eciyatnhan yewicaxipi wicoñan kin on tuwa Rev. Beverly Tucker, Norfolk, Va. etanhan he wowapi kage wicoñan kin eon.

California obaſpe kin he el unpi kin he Bishop tawapi kin San Francisco otowe kin el ti kta cinpi tka tipi oti kte cin wanica, lakaſ wanji kicagapi kta ce eyapi.

Maine obaſpe kin ekta na Bar Harbor otowe kin he el wicaſa wakan wan, Rev. C. S. Leffingwell eciyapi, waniyetu wikcemna nonpa hehantan el un. Tawicu tanyan un ñni kin he on el enakiye na itokagata onyin kta wanna.

Bishop Edsall, North Dakota Yewicaxipi Bishop kin, he Chicago etanhan iye tobaſpe kin ekta iyaye kte qon, tona kolawicaye cin hena Napsiyohli wan qupi.

Yankton (Salo otowe) S. D. el wanna Wicaſa wakan wan yuhapi. He Rev. Robert Doherty hee. He Nebraska obaſpe etanhan hi.

Brazil oyate wanna Bishop wan yuhapi, na he Rev. L. L. Kinsolving ee. He hekta Jan. wi kin icunhan yuwakanpi.

Yewicaxipi Omniciye unkitawapi kin he le omaka yewicaxipi wicoñan kin on mazaska kañniñ egnake cin he lececu. United States el wicoñan kin—Wasiñun, Ha Sapa kin na Ikcewicaſa on—mazaska 288,924.00. Hehan United States ilehanyag, minivanca kowakata—Greece, Africa, China, Japan, Haiti na Mexico—mazaska 241,741.00 henakeca.

New York otowe el Tipi wakan wan—St. Mary the Virgin Church—he wicaſa wakan tawapi kin he ta, tka wanna tokeca wan iyeyapi; he Rev. Geo. M. Christian, D. D. Oyanké wan waniyetu akenapciyunka el un tka eyin kta ca kicopi. Wanna ekta iyaye na wicoñan tawa el skan.

Long Island obaſpe el Bishop

un kin—Bishop Littlejohn—yuwakanpi ehantan waniyetu wikcemna yamni na heon lecala ikipiuyuskinpi.

Feb. wiyawapi 22 qon Chicago otowe ekta na Epiphany Tipi wakan kin el Rev. Dr. Morrison Iowa Obaſpe el Bishop un kta e yuwakanpi.

Bishop Hare hekta lecala wiyohianpata omani na toki hi kin el wahokonwicakiye na he el Lakota oyate kin tokel cante yukampi na waonsilapi kin, na Christian wicoñan kin iyepi egna tokel icaga kin hena owicakiyaka keyapi.

Cuba wita kin el Yewicaxipi wicoñan kin he Bishop McLaren, Chicago etanhan, he awanyakin kta ca Bishop itancan kin eon ſi. Wanna wicaſa wakan wanji ekta ye ſi na tokeſa toktokeca el yewicayapi kta.

Rev. F. W. Tomkins eciyapi kin, he Philadelphia otowe el Tipi wakan tanka wan awanyakin kta e kicopi. Wanji yuhapi qon he Bishop un kta kañigapi ca unkoyakapi—Rhode Island obaſpe el Bishop ookiye kin he. Mr. Tomkins wicaſa wakan kagapi kin ehantanhan wanna waniyetu wikcemna nom sanpa topa. Hekta qon wiyohpeyata yewicaxipi kin on wowaſiye eon.

Koſkalaka tona wicaſa wakanpi kta on wayawapi kin omniciye wan icicagapi qon, na he "Church Students' Missionary Association" eciyapi. Yuncan hekta Feb. 9-11 he ehan Cambridge, Mass. ekta omniciye iakenonpa eonpi. Omniciye kin le yuhapi kin he Yewicaxipi wicoñan kin el wowaſi eonpi kta ca na he el ablesya ſkanpi kte cin on wokañige na woſlolya ikicignipi na on iyokicipaſtakapi.

Hekta Jan. wi kin Rev. W. H. Moreland, Sacramento obaſpe kin on Bishop yuwakanpi qon, icunhan Russia oyate etanhan Bishop wan, woſna kaga tawa nom om, el un. Bishop kin he Holy Eastern Church (Hellenes-Greek okolakiciye) kin hetanhan. He Okolakiciye kin ehannitanhan na wicotapi. Hekta qon Skahin okolakiciye tokel icage tanyan ablezapi ñni, tka lehan kitanna

okabnigapi na Catholic (Katolik) okolakiciye oaletka heuncapi ca ablezapi na heon Bishop kin he el yanka na canteunkiyapi ca ighutanin.

Nahan icunhan Saglaſa Okolakiciye etanhan Bishop wanji el un na he okolakiciye kin etanhan Bishop Ataya Itancan, na itancan okihe wan tawowapi kin hena yuha hi na iſ eya tokel unkiyapi wiyucanpi na wicoñan unyuhapi kin he iyoptin kta wocekiye eya- pi ece kin he wicakiyaotanin.

John W. Wood, Yewicaxipi Omniciye el Corresponding Secretary heca kta kañigapi qon, wicoñan kin he eon kta naiſ eon kte ñni kin he nahas ici-conze ñni. Hekta lecala oiglake ca "ito sam wiblukcan kta iyowinmayakiyapi kta wacin" eya. Iyuncan iyowinkiyapi.

Inyan wakagapi ekta St. Andrew Sunkakiciyapi kin he yuhapi tka tohinni Hoñwoju etanhan Koſka omniciye Tanka opa wan he ayuſtanwicasi ce eyapi. He wicakapi hecinhan he hecetu ñni. Icin heciya wanna Bishop wanji yuhapi na North Dakota eciyatnhan opapi. Unkiye South Dakota Obaſpe he onupapi. He cel North Dakota obaſpe kin el Koska omniciye on tokel ſkanpi kte cin he iyounwajapi ñni tka. Eya Okolakiciye owanjila na taku unkekiyapi kta hecinhan, wicaſa Baptisma Wakan, Wicayusutapi na Wotapi wakan icupi kta ca Okolakiciye Wakan opapi kte cin hee naceca, tka oaletka wicoñan kin he Bishop na woſna kaga tawapi kin iſnala iyowajapi naceca. He cel woſkiſke na wacin akipab unpi kte ñni e iwaun- ktapi na ogna waeconqunpi kte cin he waſte.

Hekta lecala Toronto, Canada ekta Bishop wan, Rt. Rev. Edward Sullivan eciyapi he te. Wicaſa kin le bishop heca ñni itok Chicago otowe el Tipi wakan wan awanyake, tka Canada ekta ki na heciya Bishop kañigapi na Yuwakanpi. Obaſpe awanyake qon Yewicaxipi obaſpe heca na Ikcewicaſa ko awanwicayake.

Boston, Mass. ekta Tipi wakan wan lila tani selececa. Tokaheya kagapi hehantanhan waniyetu opawinge sam wikcemna ſakowin sanpa zaptan, na he ta Dec. 28 qonhan hecel iyuskinyan kiksuyapi. Yuncan tipi wakan kin le el omaka 1815 he ehan Sunday School (Anpetu wakan wayawapi) eonpi na he Milahanska makqoc kin el tokañi Sunday School eonpi ce eyapi.

# THE DAYBREAK.

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription is 30 cents per annum in advance and may be paid in one or two cent postage stamps.

Single subscriptions for six months, 15 cents.

Fifteen or more copies to one address for six months, 10 cents each.

All subscriptions and matter for publication should be addressed to

REV. E. ASHLEY,  
Cheyenne River Agency, S. D.

## Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,  
Missionary Bishop

Entered at the Postoffice at Forest City, South Dakota, as second class matter.

Published at the office of the FOREST CITY PRESS, Forest City, S. D.

## OKOLAKICIYE WAKAN WIYAWAPI.

### APRIL WI KIN.

1. Easter itokab litayetu kin, To stan
2. Easter Anpetu kin... Ska
3. Easter el Monday kin... Ska
4. Easter el Tuesday kin... Ska
9. Easter iyohakab Anpetu Wakan tokaheya kin... Ska
16. Easter iyohakab Anpetu Wakan inonpa kin... Ska
23. Easter iyohakab Anpetu Wakan iyamni kin... Ska
25. St. Mark Taanpetu kin... Ska
30. Easter iyohakab Anpetu Wakan itopa kin... Ska

### Wotanin-wašte Ayapi On Wocekiye.

Anpetu iyohi wicakaya he cin ehan heyapi kta:

Waniki ya wašte sto wacantkya nitawa kdugad, canicipawega akan otkeyahan yaun tka qon, maka akan wicaša un kin owasin Niye ekta etonwanpi qa niwica-yapi nuuwe. Amen.

Easter! Jesus Christ wanna kini, Aliluya!

Okioize wanna yušan, Aliluya!

“Wanna Christ wiconte etanhan piya ikicaga.”

“Tuwa te qa ake kini, na ito o manke wanin ni waun; Amen; na Wakantanka ti kin wiconte ko tiyopa iyušloke kin yuha manke.”

“He te cigon, wancala woah-tani on ta; tka He ni kin, Wakantanka on niun. He iyecel niš eya woah-tani el te niglawapi kta, tka Wakantanka el niyaunpi Jesus Christ Itancanunyanpi kin eciyatanhan.”

“Heon etanhan, Christ kici yakinipi hecinhan, taku wankantuya Wakantanka išloyatanhan Christ kiyotanke ca hel un kin hena akita po!”

## WAKANKICIYUZAPI

February 26th, 1899, qonhan Santee Agency, Nebraska ekta, Church of Our Most Merciful Saviour kin ogra Mr. John W. Ross qa Miss Emma H. Trudell okiciyuze wakan eonpi.

## OKOLAKICIYE WAKAN WIWICA-WANGAPI.

Woonspe Iwikemna topa kin.

Anpetu šakpe ehake kin el taku eonpi kin.

W. Monday, Easter itokab icunhan taku eon he.

A. Christ ake Jerusalem ekta ya, na icunhan suken can wan waskuyeca iage šni kin he yašica. (Matt. 21:19)

W. Nakun Monday kin he el taku eon he.

A. Tipi Wakan el tona wiyopeyapi na wopetonpi ko ake tankal iyewicaye, ca mazaska tokiyopeyapi kin agna eonpi kin aglapšinyan elpeya.

W. Tuesday kin he el taku eon he.

A. Christ wiyacinpi “Wicaša cinhintku nonpa”, “Hastahanka iyuwi ojupi wan el litani wicaši”, “Wakankiciyuze wokoyake”, “Witanšna wikcemna kin”, “Tkeutapi wikcemna kin”, “Tahcašunka na tatokala kin” hena owicakiyaka.

W. Anpetu inonpa kin Tipi Wakan etanhan kigle qon Christ taku oyaka he.

A. Jerusalem, na Tipi Wakan ihangyapi kte, na maka ihanke kin ekta toketu kte cin he oyaka.

W. Anpetu inonpa litayetu kin hehan Jesus tokiya ya he.

A. Oliwe Paha kin ekta na hel yanka.

W. Anpetu iyamni el taku eonpi he.

A. Tokel wiyopeyapi na icipaveli okatanpi kta e Christ oiglak; wošna kaga itancanpi kin tokel oyuspapi kta e aiapi; Judas Iscariot mazaska wikcemna yamni on wiyopeyin kta iciconze.

W. Anpetu itopa kin el toketu he.

A. He Htayetutapi kin he kaga, waonspewicakiye kin ihukuliqiyapi kta onspepi kta ca si wicakiyujaja, na tokel Peter anakilmin kta e oyaka.

W. Anpetu itopa hanhepi icunhan tokel eonpi he. (John 18: 3, 12)

A. Judas akicita ošpaye na akicita itancan, na oyate itancanpi kin ob, petijanjan yuha hipi, Jesus kaškapi na Wošna kaga Itancan ti-kin ekta ayapi.

Anpetu ehake šakpe kin on wokcanpi kin

W. Isaya wicaša wokcan kin he Messiya on tokel iwokcan he. (Isaya 53)

A. Messiya kin he “wicaša cante šica”, “nagiyeyapi”, “ka-kišyapi”, “pašlokapi” na “wic-

ni-makoce etanhan kaškapi” heca un kta oyaka.

W. Zekariah, Christ on tokel eya he.

A. Mazaska 30 on wiyopeyapi kta (Wico. 11:12), na tuwa capapi kin he ahitonwanpi kta (Wico. 12:10) eya.

W. Icipayeh okatanpi kte cin on tokel David iwokcan he.

A. “Minape misiha ko capapi” (Psalm 22) “na imapuze hehan miniskuya yatkemayanpi” (Psalm 69) eya.

W. Nahan wokcanpi wanji tukte yucetupi he. (John 19: 36)

A. “Huhu wanjila kawegapi kte šni”. (Gli. 12:46)

W. Jesus tokakije kin he, Juda Okolakiciye el, tokel iyacinyan atanin he.

A. Paskal Tahcacinca kin, woacakšin el ktepi kin he, Wakantanka Tahcacincala maka etanhan woah-tani yutokanl iyeye ktepi kte cin, he wowapetokeca ce.

W. Juda Okolakiciye kin el wošnapi tona yuhapi kin etanhan tukte wanji, Christ on, iyotan wowapetokeca heca he.

A. Omaka iyohila, Juda oyate kin on, woah-tani akahpetonpi anpetu el tatokala wan ktepi kin he.

W. He anpetu icunhan Wošna Kaga Itancan kin tokel eon ece he.

A. Woah-tani wošnapi we kin he, wokajuju iha akan na ektakiya amminni, na oyate kin on woah-tani akahpewicakiye.

W. Woecon kin le on, Christ on, tokel St. Paul eya he.

A. “Christ Wawayušna Itancan heca un... tatokala naiš ptejicala we kin yuha šni, tka wopekitonpi owihanke wanin kage qa, iye we kin gluha wancala tipi iyotan wakan kin he timahel iyaya” eya.

## Wowapi Wakan Yawapi kin Wawokiya.

### Jeremiah.

1. Jeremiah (tuwa Jehowa yuwankantu kin) he Wošna Kaga wan, Hilkiyah eciyapi kin he cinhintku, na Wošnakaga totonwepi wan Anathoth, Jerusalem otowwe iwaziyata maka iyutapi 3 ecetu he cin, etanhan. Koškalka qon, waniyetu wikcemna nom waehantu, wokcan kta ca kicopi, Josiah wicašayatapi tawaniyetu iakeyamni he ehan (B. C. 628 ecetu) na Jerusalem na Juda otowwe unimapi kin hena on waniyetu wikcemna tom škan, Jerusalem takpe hipi na ohiyapi kin hehanyan (B. C. 588). Le ohakab Mizpah el ošpaye wan okaptapi na Gedaliah, maka itancan kin ob yanka, na hehan tona Egypt ekta wawokiya olepi kte hein iyowicaki šni tka anogoptanpi šni. Ohakab iye taoyate etanhan yuzapi na Egypt ekta ayapi (Wico. 43:6) tka wakagapi kin lila oholapi kin on iyopewicaye, ca woyakapi wan eciyatanhan, otowwe wan Tahpanes eciyapi el inyan on kininpi na ktepi, keyapi.

2. Wokcanpi tawa kin he omaka owecinhan egnakapi šni, tka taku cajeyate ein eciyatanhan egnakapi; he lecefu: (1) Juda oyate wowakta wicaqu kin; (2) oyate oyaš abiwicatonwan na ihanke el taku cajeyate; na (3) Egypt on tokel wokcan kin. Wicowoyoke 32 ehake kin hena

Wicašayatapi wowapi inonpa etanhan, na tokaš Ezra hena ogwaka se kecinpi. Jeremiah, he Zepheniah, Habakuk, Ezekiel na Daniel wokcanpi kin ob škan. Waniyetu tona wayaka unpi kte cin yašinsya oyaka, na Zedekiah tokel waakipin kte, ca Juda oyate ake glipi kta, Babylon wašakešni ayin kta, na oyate toktokeca woihangye tawapi hena iwokcan. Canwognake (Solomon kage qa Tipi Wakan el egle qon) he inalima keyapi, na tokaša woopie kin henala kta, woniya woohola wan icagin kta, (atonement) woah-tani akahpapi wošna kin wowašte kin, Ikcewicasa kin wotanin wašte eciyatanhan wicakicopi kte cin, na ohanketa Juda oyate iwicacupi kte cin hena iwokcan.

3. Wowapi kin tokeca na toketu kin. Wicaša wokcan kin le, unmapi kin iwicakapeya, wicacante oyuze kin he yuotanin. Eya tuktektel wišteca, wakokipa, waciniwošaka na cantešilya un (Wico. 15:10 na 20:7) eša wicohian wan el blihecapi na walitakapi kta iyececa el kicopi. Wošna kaga na Wokcanpi owe nopin hetanhan najin na wicohian henios yušicapi qonhan nopin el waayatania škan. Tokaš kicopi kin hetanhan wokipajin oyate egna un keš wicohian tawa ihanke hehanyan walitagya eon, na iye “mazaša conkaške” heca kta iwahoyapi qon (Wico. 1:8 na 15:20) he tohinni aktonje šni. Iyokišilya wašipi kin he toie kin on atanin. Wowapi tawa kin he olowan na ikec iapi, woyakapi na wokcanpi kin icicahiya yanka. Wokcan ie cin icunhan ignuharala anaicpta na cante šilya wacikiye, na tona tokayapi lila kipjinpi kin on tuktektel iyopewicaye watokiconpi akipapi kta e he yekiya. Tawowapi kin el, Pen tateuch etanhan, woyaka wowapi Psalm kin, Isaya na wokcanpi aoptetu etanhanhan iapi kicun, na owekiniš Psalm etan iapi ieu kin iye owa naceca.

4. Yuwitayapi kin. Wicaša huni yuwokcanpi na “Jehowa oie el mahi” Jeremiah eya ece kin, he ognayan kiyušpewica kecinpi, kinhan, lecefu kte: 1. Wicowoyaké tokaheya ataya itokab eyapi heca na wowapi gluštan qon hehan ogwa. 2. Jehoiakim wowapi wanji kiyawapi na hušnagē cin ohakab Baruk piya owašipi kin hee (Wico. 2-11). 3. Juda wicašayatapi kin hena na wicaša wokcan oie wakankankapi iwicakiwokcan kin (Wico. 21-25). 4. Jerusalem hinšpayin kte cin on wokcanpi nonpa (Wico. 25-28). 5. Babylon ekta wayaka unpi kin iapi on wicakieanpte cin (Wico. 29-31). 6. Jerusalem ohiyapi kte cin itokab omaka ehake nonpa, na icunhan na ohakab tokel Jeremiah škan kin he woyakapi kin (Wico. 32-45). 7. Oyate toktokeca on, nahan ihanke el Babylon ihangyapi kta e cajeyate (Wico. 46-51). 8. Ehake eyapi heca na wicaceya wowapi tawa itokab eyapi he heca (Wico. 52).

## “Tokca Wakantanka Ti Kin Ayustanpi He.”

Ehanna Wakantanka tawaayatewan Nehemiah eciyapi, hecel wawiyunga na anpetu kin le iyecen unkiyungapi kta iyececa.

Tohan Dakota Wakantanka tawowapi yuhapi šni ca oiyokpaza el unpi, he ehan Jesus slolyapi šni, tka Wakantanka onsiwicala-

pi na waonspekiyapi wašte ničupi na hena Wakantanka toie anihipi. Heon Wakantanka tokel tawacin slolyayapi, na niye ekta Jesus taokolakiciye icaga, na wicota taku šica ayuštampi kta ičiconzapi na iyuškinyan baptisma icupi na wicayusutapi opapi, na Dakota makoce ogna tipi wakan ota kagapi na pilaičiyapi.

Iyaza omawani s'a, na tukteken icantemašica. Wakantanka ti kin kinihanpi šni selececa, conala hipi s'a; heon mitakuyepi unkiyungapi "Tokeca Wakantanka ti kin ayuštampi he". Wakantanka tipi wakan tawa kin kinihan unšipi na Lewi. 19-30 el hecel eya "Okilipapi mitawa yapatampi kta, na tipi wakan mitawa yakinihanpi kta" nakun Heb. 10:25 el owapi "Wanjigji econpi kin iyecel mniunkičiyapi ece kin he unkayuštampi kte šni". Wicota Jesus taokolakiciye ecinšnyan opapi, tohan baptisma icupi na taku wahoyapi, tka akiktonjapi naceca.

Tohan "tokeca tipi wakan el yahi šni he" imunge ca wanjikji hecel ayuptapi: "Wati etanhan lila itehan na owakihi šni" eyapi, tka tohan wanasapi naiš lolicupi, naiš wohanpi kicicopi can sanpa itehan eša inabni ipi na hanhiya yapi šni. O mitakuyepi he hece-

ca Jesus taokolakiciye wicaša ksapa iyecen wacin na Anpetu Wakantanka taanpetu kinhan wowiyuškin kta tipi ekta lapi na Iye itokab oholapapi kta ye, na Wakantanka oholayapi Iye ti kin el takunni eeyakiyapi kte šni. Jesus Itancan unkitawapi ee, na hecel eya "Waonspekiya na Itancan omayakiyapi ece, he tanyan ohapi, he miye lakaš" (St. John 13:13) tka taku sanpa eye "Unkan tokeca, Itancan, Itancan emayakiyapi ece, na taku epe cin ecen ecanonpi šni he". (St. Luke 6:46) David Psalm 122:1 kin el hecel eya "Jehowa ti kin ekta unyanpi kta ce, emakiyapi kin on ibluškin". Na David isanpa tanka wanji woonspe unqupi, "Na econ ece kin he iyecel, anpetu wakan icunhan, omniciye tipi kin el tin iyaya na wowapi yawa kta inajin". (St. Luke 4:16)

Mitakuyepi:—yektapi kta iyecceca, na "taku toktokeca ecamon na heon Wakantanka ti kin ekta wai šni" ake ehapi kte šni ye. Wakantanka tawacin iyotan na tokel tawacin slolyayapi na Iye hecel eya "Tuwa mayutan kin he blutan kta, na tuwa ihamakta šni kinhan, ihaktapi kte šni" (1 Sam. 2:30), na tipi wakan kin, tukten towitan oyanke kin he aluštampi na taku tokeca eeyakiyapi echantanhanš, tokel Wakantanka lutampi kta he.

Koškalaka wanjikji, koškalka okolakiciye iyotan lapi na winyan wanjikji, winyan omniciye kin

iyotan lapi, na anpetu wakan icunhan Tipi Wakan ekta hipi šni eša, koškalka omniciye na winyan omniciye kašna šni opapi, tka mitakuyepi he hecetu šni. Wakantanka tawacekiya, Tipi wakan kin el he iyotan, na koškalka omniciye na winyan omniciye kin hena aletka eepi. Tipi wakan na winyan omniciye nopin opin kta oyakihipi šni kinhan unma tukte aluštampi kta iyecceca he. He el lila awacani-pi kta ye. Tohan Wakantanka itokab inayajinpi kta na Iye "Tokeca Tipi wakan mitawa aluštampi he" eya iniyungapi kte cinhan taku aluptapi kta he.

"Jehowa yati unyanpi kin he waštewalaka, na nitowitan wokeya oyanke kin he nakun" (Psalm 26:8)

"Tuwa yakahnige ca kiyela ayau kin he cante wašte, Tibocoka nitawa kin el unyin kta,

Yati wowašte on iumnapi kte; Tipi wakan nitawa kin he".

(Psalm 65:4)

J. B. Dickson.

Rosebud, S. D. Mar. 13, '99  
Dear Anpao:—Oyanke letanhan, March Anpao Kin el Jas. Claymont wowapi wan kaga na lecel wayaotanin:

"Hehan taku wan lakota tamakoce kin lel awanbleze lo. Ho, yunkan wašicun wanji Lakota tamakoce el wowaši icu na cinca wanji el okage can lakota iyecel iya can lakota iyowaja kecin na lakota Tunkanšilayapi wicayuwawacin kte he qon wawacin šni wicaye na wocekiye ko ihaliapi. Ho hecetu šni kecanmi ye lo, tuwa hececa na Tunkanšilayapi wowaši ecakicon šni kin lakota tamakoce el un šni kin wašte ye lo."

Ho hecetu. Ho, he miye maki nainš miye make šni naceca, tka owakpamni lel oyate unpi kinhan he miye maka kecinpi. Miye maka ehantanhanš, taku ke cin wowicake šni. He hecetu echantanhanš, Tunkanšilayapi etanhan wicaša wan kašnigapi na oyanke el awanyakin kte ca Ateyapi (Agent) ahignakapi kin he okiyake kinhan he el etowin kta, he wowasukiye awanyaka wicaša kin heca. Hehaka he miye.

H. W. Caton.

(Iwanyaka po! Hekta April wi 1898 Anpao okage cin el iapi wan epe qon akta epin kte. Tokin lawapi na yeksuyapi nin.

"Ito mitakuye takuku waktaci-yapi kta wacin. Eya tohinna epe tuwa keša wowapi maqu kta cin kinhan okihi" tka wicaša wanjikji wowapi kagapi na maqupi kin ehaš lunli hanskaska, na wicaša Anpao opetonpi kin wanjikji wowapi maqupi na iyokipipi šni ce eyapi. Hecel tona Anpao kin wowapi yecagapi kte cinhan aoptelya ecanonpi wašte. Hehan Anpao kin he el taku iapi okagapi kte cinhan, taku on Lakota oyate egna iwicawaste na iwicatanyan kte ca Okolakiciye Wakan kin iyuwasašgye pica hecinhan hena unpahipi na unyaotaninpi kta ca omayakiyapi kte cin hee kecanmi, tka tuwa Wawokiya

wan naiš Koškalka Itancan wan kici tokel okiciwašte šni unpi, naiš Wicaša wakan wan on tokel išicapi kinhan heca ca Anpao kin el unkokagapi šni wašte."

Nahan ahankeya epin kte. Lakota wan Wašicun wanji kici okicišice cinhan naiš wašicun wanji Lakota wan kici hececa kinhan Anpao kin el aupi kta iyecceca šni ye lo. Anpao kin he miye ca epe lo.)

Rosebud etanhan.

Anpao kin: Taku wanblake na nawalion eciyatanhan, ito mitakuye nalionpi qeš epe na he lecetu. Wakantanka taokolakiciye wakan kin he maka oyate kin on kagapi na tuwe tohanl nalion na wicala kinhan wowicake eciyatanhan opapi kin hena Wakantanka tokiconze iyopteyapi kta. Maka kagapi kin hehantan tokiconze u kin wanna Lakota oyate kin wicahiyohi, hecel wanna wicaša na winyan na wakanheja oyasin he el ounpapi kta ca unki-kiciyankapi, na heon tuwa okolakiciye owe wan el opa kte cinhan wowicake on kašnige kta na ičignaye šni owe tona slolye kin oyasin tawicošan kin tanyan okahnige kinhan, na tukte wanji iyokipi kinhan hel cante ataya on opa kte cin he owotanla. Hecel ito Lakota oyate unqonpi kin wicošan wan wopteca šni Wakantanka unqupi kin le tanyan waunyakapi kte na econqunpi kte na wicošan ikceka se awauncinpi kte šni. Wanna Lakota oyate egna okolakiciye wakan owe tom unyuhapi, Episcopal-Šinaska, na Roman Catholic-Šinasapa, Presbyterian-Hunkayapi na Congregational-Tawaičiyapi. Iho okolakiciye lena el unqonpi. Yunkan lena wanji tukte tawoekiye na tawoecon kin hena iyounkipipi kinhan el ounpapi iyecetu, tka wicaša kin iyatayela wiglucan na wowicake ognayan opa kinhan he owotanla, tka wicaša kin okolakiciye tukte tawoecon iyokipi eša wowicake el un šni, wayupika ceela na wacinyan cante el un šni na tawicošan onšpa eša ecinšni na Wakantanka tokiconze kin iyopaštaka šni kinhan okolakiciye topa kin lena oyasin el opa eša owotanla nipica šni. Wakantanka tokiconze yin kte cin he on okolakiciye wakan kin hena kagapi, yunkan Lakota oyate kin tanyan econqunpi šni eša lila he wiunyukanpi šni, wicota unkiye tawacin on wicakeya ounpapi šni, tka wicaša akantu awawicuncinpi on econqunpi na heon ohakab taku cišcila eša on owe tokeca ekta unkiyayapi sa. Nakun tohanl wokakije unhiyaglepi eša wicaša wakan na hunkayapi wan-yagunhipi šni can he caunzepi na okolakiciye tokanl ounpapi sa, hecel caunzepi on na taku šinglapi on na wokipajin on okolakiciye wakan owe wan el ounpapi kin he wowicake on econqunpi šni na

Wakantanka hena slolkiya na hecel iye tawicošan kin na okolakiciye wakan kin yuiceya wošigla iyayus yuha unškanpi kinhan Itancan unkitawapi kin iyokipi- unyanpi kta hwo. Ho, he oyasin tanyan slolyayapi lo. Eya okolakiciye titokanl copapi he hecetu šni ca wake šni tka taku wake hee kin he lee. Wakantanka taokolakiciye ounpapi kta awauncinpi kinhan tanyan unkiğluštampi kte, woahitani on iyopeunkičiyapi kte na uncantepi kin el sutaya awauncinpi kta na wowicake on econqunpi kte, Hehanl taku toktokeca cajebate kin hena on titokanl econpapi kte šni. Wakantanka taokolakiciye wakan kin he wicaša akantu tawacinpi na ohanpi na oiyepi on kagiunyanpi kta iyecetu šni. Wicaša wakan hena wicanagi tona nuni on kin hena owicalepi kta Wanikiya ewicakiye, wicaša owotanla on wai šni tka walitanipisa iyopeičiyapi kta on wahi ce eya. Hecel wocekiye wicaša wan tona okolakiciye el tanyan igluhapi kin henala wicayutitan na tona nunipi kin hena el ewicatonwe šni kinhan he Wakantanka tokiconze kin iyopaštaka he. Hiya, tka kagiya na okolakiciye wan el oitancan-yan unpi kin hena tawapi kin yutankapi cinpi on wicatanan ee ignipi na wowicake e ignipi šni kinhan eya wicaša ota eša wowicake tanka šni on okolakiciye qon taku iyotan tanka na wiconi owihanke wanice qon yutakunišni se awacin ayapi. Na lehanyan wanna Lakota oyate egna wowašte šni wicošan kin ojula yunka. Hena tuwa econpi he. Ho hena okolakiciye opa wicaša na winyan tka cante wowicake on econpi šni, heon lehanl oyate egna tokel iyokipipi ohanyah unpi, na hena huuli wocekiye econ unpi na oyate wahokonkiyapi tka qon lehanl Wakantanka tokiconze kagiya. Ho eya mita olapi tanyan epe šni seca tka he wowicake kepca kin he on tanka igila se kepa tka he owotanla šni wala kin on hepe lo. Na le owotanla šni wala tona tanyan igluhapi hena nagiyewicunyanpi iyecetu šni, tokša hena wanna očihipi na okolakiciye tawa el tanyan unpi echantanhanš iwicunki-yuškinpi iyecceca, hecel taku econqunpi kta iyecceca kin hee. Ota epe šni tka ito henala owawa kta wacin. Wowahokonkiye woawacin kin hena on tawacinpi el unyuhapi qeš taku owotanla hena slolunyanpi iyecceca.

Nitakolapi kin.

A. U. Heart.

Chapel of the Holy Name,

Choteau Creek, S. D.

Anpao kin: Mitakoda, ito ake takuku miyeciyaotanin kta iceciye do. De waniyetu kin owayazan ota unkiyakdepi, qa wakanheja waštēšepi qa okodakiciye wakan ed wacinyanpi wicakapi tewicunliđapi wanjikji manka wokakije kin etanhan wicozi makoce kin ed Wanikiya akipipi kta e iyayapi, qa hena iyepi kin wanna maka wiconi ed nipi qon isanpi wasdonyapi qa wawanyakapi, qa wakanheja maka akan wicozani qa woasni cinwicunki-yapi tka qon dehan wicozani qa woasni owihanke wanice kin ed iwicacupi, hececa eša wicacelipi woihaktapi kin on hena otoi-yohi on canteunšicapi.

Jan. 2, 1899 anpetu he ed

Benj. Little Soldier te, Wm. Soldier qa Cora Kinyan cincapi.

Jan. 2nd, 1899 Cecilia James te, Joseph qa Mary James cincapi.

Feb. 1st, 1899 Julia Oihedutawin te, waniyetu 76. Wakanka hca esa iye oniya ayustan kte cin aiyakdeya wowacinye tawa kin sutaya kdus wiconte tiyopa kin isanpa iyaye. "Wicape cin hehanyan wicaka wo, kinhan wiconi watesdake wan ciu kta ce."

Feb. 7th, 1899 anpetu ed Susie (Ellis) McBride te, waniyetu 23, he Benj. McBride tawicu. Wikoška kin de Okodakiciye ospaye kin detanhan elpeunyanpi kte cin tawafedwaye šni sece, candowankiyapi wayupike qa dowanpi waštedake, qa taku woayupte hena ho kin tohanyan yuha kin oowasin on taninyan eya eoe. Dena on wakpagan šni hca qa toked okihi on wocekiye eya unyankapi, esa tokomni iye itancan tamanga kin ed suton qa sanpa ed yanke kta iyececa šni nakaes hetanhan ikikou ecanmi.

Wakanheja cistinna yuha, Blanche Adaline hec, tohan wana wašake šni kin icunhan wakanheja kin de is eya wayazanka, qa hunku te cin itopa can Feb. 17, ehan Blanche is eya hunku ekta kikde. Hecon Benj. McBride wocante šica tawa oyagpica šni se waakipa, qa wokakija dena ed Miss Ida Ellis iyotan kakija. Wakanheja de totanhan icage cin yuha un qa iye tawa iyeced telinda, qa tankaku kin toked okihi awankdaka esa anpetu kin dena ed istamnanpe ota ihaha tancan ecena inajin. Hececa esa dena ed wowacinye tawapi kud iyaye šni. Hecede toksa istamnihnanpe tawapi kin eekiya Wakantanka wowiyuškin wicacu kta ecanmi.

Hehan Feb. 14, 1899 anpetu ed Minnie Blaine te, he James G. qa Josephine Blaine cincapi.

Hehan Feb. 17, 1899 anpetu ed Andrew te, he David qa Louise Hope cincapi.

Joseph Goodteacher.

#### WOTANIN IKCEKA.

Texas ekta wa kin siiyutapi zaptan hehanyan sma na hecon ptewaniyanpi ota tapani ca oyakapi.

Miniwanca kowakata French oyate President (Tunkansilayapi) kin he te, he M. Felix Faure eciyapi. Yuncan wanna President teca wan kalnigapi na he M. Loubet eciyapi yustanpi. French oyate President tawapi te na teca wan kalnigapi kte cin on lila oskiskapi kta iwicakiyucanpi tka kicicuwapi esa kicizapi šni.

Waniyetu kin le "La Grippe" makoška kin he lila tankaya iyaye. Wašicun ekta hececa iyazanpi, nahan Lakota is eya iyawicalipaye, lakaš wakanheja tankapi ko lila holpapi na tancan yazanpi. Tuwa lececap kinhan tanyan awaniciglakapi kinhan he wašte. Heconpi šni na akta holpapi kinhan he šice.

Robert P. Porter eciyapi kin he England ekta iyaye ca he Tunkansila taku nalimala on yeši iyukcanpi.

Cuba wita el akicita tona Spaniola ob kicizapi qon na akicita unkitawapi eciyatnhan najin na waokiyapi icilapi qon lehan United States taakicita se on wicakicicajujupi kta cinpi. United States taakicita hecapi šni esa tanyan wacinunkiyuzapi kta cinpi kin on mazaska tona wicakipannipi kta na iyohakab Cuba akicita kin hena maza wakan egnakapi kta.

Philipino etanhan tuwa Aguinardo eciyapi kin he oyate kin hecon ataya itancan iciya. Yuncan tokel Spaniola wicakipajinpi qon, United States akicita kin iyecel wicakipajinpi kta eyapi. Le eyapi kin on he Spaniola oyate kin šicaya owicakihanpi qon iyecel wicunkuwapi kta iyukcanpi, nahan iye ataya tawaiqiyapi kta cinpi, hecel akicita unkitawapi kin he makoce tawapi kin elpeya glicupi kta cinpi. Tunkansila kin iye tokel oyate kin tanyan wacinwicakiyuze cin oglaka na lehan akicita unkitawapi kin wita tawapi el unpi kin on tokel wokiconze on tawaiqiyapi kta suta gluhapi kte cin he owicakiya unpi kta he owicakiyake.

Congress el Spaniola ob wowapi kiciyutanpi qon he Senate el wicakahi. Senator wanjikji wowapi kin le yustanpi kte cin on tokel okihi kin kipajinpi. Hecon škanpi kin on, Philipino etanhan wicaša wan, Agoncilio eciyapi, he Tunkansila ti ekta wanaon yanke cin, he tiyata onahonwicaye ca Spanish-American Treaty kin he yustanpi kte šni sece hecel United States akicita tona Manila el unpi kin hena okicize kin on awignunwicaye pica eya keyapi.

Hecon Feb. 6th qonhan Philipino kin hena najin wicašipi na akicita unkitawapi azuwicayapi. Hanhepi icunhan heconpi esa waktapi cankel akicita unkitawapi kin conala wicaktepi na conala wicapi, tka Philipino kin hena ota wicaktepi na olota kiunwicaye. Iqignayanpi na kicignayanpi lakaš kicizapi icunhan Philipino ospaye wan Ygorates ewicakiyapi kin, tokahan najinpi na itazipa wahinkpe ko yuha najinpi na wipe kin hena on akicita unkitawapi kin, maza wakan ota utapi yuhapi esa itokab najinpi okihicilapi ! Wicagnayanpi hecon.

Anpetu kin he etanhan wanna wokicize econpi, tka anpetu iyohila šni. Otonwe San Roque eciyapi kin he luhanayapi, tka otonwe wan Caloocan he unyuzapi na Philipino habwicayapi.

Congress kin el Indian appropriation Bill kin el lecel wayustanpi keyapi. Oglala, Inyan-

woslata na Hołwoju ektakta makaiyutapi kte cin on mazaska 28,000 kalnigapi, na maka oiyute kin on wicacupi kte cin on mazaska 15,000 kapi; na Leech Lake ekta Owayawa wan on mazaska 20,000 yustanpi.

Tuwa Joseph G. Bullock eciyapi kin he Oneida, Wis. etanhan Hołwoju ekta Owayawa ti kin el Pejihuta wicaša unkita yešipi keyapi.

Inspector J. G. Wright, Sincangu Ateyapi tka qon he Mašte makoce ekta oyate kin takuku oskiskapi kin he iwanyagšipi na ekta škan na wicohan tona econ kta kipi kin he tanyan etonwan na econ keyapi.

Spaniola ob wowapi kiciyutanpi qon he Senate kin wanna yustanpi na ohakab Tunkansila kin he Feb. 11th he ehan yutan. Tokeša Spaniola oyate wakiya omniciye kin is eya hecetulapi kta, kinhan tokel wahokiciyapi qon anukatan woyustan kta.

Iloilo otonwe kin he akicita unkitawapi ake yuzapi na Filipino kin hena napewicayapi.

March 15 qon New York otonwe kin el Owote tipi wan ile na luhanage ca wicaša ota tapani, na takuku mazaska 1,000,000 kipiya atakuni šni.

United States na Spaniola oyate wowapi wan kiciyatnhanpi qon, wanna Spaniola oyate on Wicašayatapi winyan tawapi kin is eya yutan.

Klondyke, Alaska el, mazaska zi oqapi kin ekta maka oicage kin on Canada na Milahanska wicaša kicizapi keyapi.

Tunkansilayapi kin he asniiciyin kta e Thomasville, Ga. ekta omani.

Ozuye wata itancan Dewey eciyapi kin, tuwa blokehan Manila el Spaniola ohiyewicaye qon, Congress yuonihanpi na ni un kin behanyan Admiral (miniwanca akicita ataya itancan) heca kagapi.

Akicita sam ota Philippine wita ekta yewicayapi. Ekta ihunipi kinhan behan lila wokicize econpi kta na Insurgent ewicakiyapi kin ohiyewicayapi kta e kuwapi kta.

Russia makoce kin el oyate ota akihanpi. Lila woyute wanica na yukan esa wicaša walpanicapi na takuni opetonpi kta okihipi šni.

Washington, D. C. el tohinni tipi wan General Miles ti kta e kicagapi. Kagapi kin on mazaska 35,000 mnyanpi na henahca yusotapi.

Ithankonwan Ateyapi aiapi qon he tokel econ kin hena hecetu ce Tunkansila okihe eya. Hecon

wašicun heyab iyeyapi kte qon okihi šni.

Canton, S. D. ekta Lakota oyate etanhan tona wacingnuni kin tipi kagapi kta, lakaš Senator Pettigrew, Congress el hecel yustanwicakiye, na hecon mazaska 55,000 egnakapi.

Mato Paha kin ekta akicita tipi kin inyan on kagapi kte cin mazaska 30,000 yusotapi kta.

Oglala ekta, Pahinsinte wakpala el tuwa wan Wakinyanska eciyapi na wašicun winyan yuha keyapi, tka wica kin he tawicu tanyan ecakicon šni hecel Woyu awanyaka ti kin ekta onapa. Ohakab wicaša kin he oyusapapi kte qon wicakute tka oyusapapi na tokeša United States Court el yusupi kte.

Genoa, Neb. ekta owayakin ikiyela Episcopal okolakiciye kin tipi wakan wan kagapi kta.

Tuwa Fred. Bailey, Pierre, S. D. etanhan, Hoopa Valley, California ekta owayawa kin el aguyapi špayanpi wicohan qupi.

Maj. McLaughlin, Inyanwoslata ekta Ateyapi qon tka ohakab Inspector heca, ake wicohan kin he yuha kta ca kalnigapi na kiciyusutapi.

Wyoming obašpe kin ekta wa kin he siiyutapi wikcemna hehan šma, na Colorado ekta aketopa keyapi. Na heciya tuktel hemani wan anpetu wikcemna hehanyan wa kin el kahli najin, na wicaša tokani toki yapi kta okihi šni, hecel ohanketa šunka wakan canwiyuslohe ikoyogwicaye na wicaša hiyohipi na otonwe wan ekta awicaglipi.

Wiyobpeyata miniwanca (Pacific Ocean) kin el maza apapi (Cable) wan eonpapi kta iwoglakapi. Eya tokata wamji eglepi kta naceca tka lehan toketu kta cel !

Mašte makoce kin ekta Ikcewicasa oyate ota unpi na Owayawa tona yuhapi. Iyuncan lecala Tunkansilayapi kin wicaša wan Owayawa kin hena ataya awanyakin kta ca he kalniga, na he John D. Benedict, Danville, Ill. etanhan.

Tunkansilayapi ti qel Wakiya omniciye kin etanhan Kalniš opapi (House of Representatives) kin el Ikcewicasa on owicohan awanyakapi kin he Committee yuhapi, na lehan Committee kin he itancan kin, he Ikcewicasa oyate etanhan keyapi. He Mr. George Curtis, Topeka, Kansas etanhan.

Hekta wiakenonpa kin icunhan, United States el peji kašlapi na wiyopeyapi kin on mazaska 400,000,000 kammapi keyapi.

Otonwe eiqala (Sioux City) hetanhan Minišoše kin inkpatakiya cambuta, canmnicajo yuslutapi kta e Congress mazaska 250,000 egnakapi.